

*PLANETE*

Lès grawes di m' planète  
Ont strindu m' vikaîrîye

Dès filochés ègayolenut mès sondjes

Dji m' dispiète au matin  
Su t' visadje à deûs faces.

Dji m' sin tot pièrdu,  
Dji braîreû bin mès-ouys tot foû

Èt ratinde one novèle planète !

Tot fiant chonance,  
Li tims a districoté nosse vikaîrîye.

Nos peûs racoûrenut come dès sauvadjès bièsses,  
Po s' ripachî d' nos chîjes trawéyes.

Li pikète do djoû nos r'trove drânés.

Nos veûy voltî ? Ça m' fait awè peû !  
Quand tot va mau, on-z-èst todi tot seû !

Tot seû ?... Por one ôte planète ?

Maujeni